



NEGERI SABAH

[JPAN: 700-3/2 JLD.3/(41)]

PEKELILING PERKHIDMATAN NEGERI SABAH BIL. 6/2021

BANTUAN KHAS KEWANGAN AIDILFITRI TAHUN 2021

TUJUAN

1. Pekeliling Perkhidmatan ini bertujuan melaksanakan keputusan Kerajaan untuk memberi Bantuan Khas Kewangan Aidilfitri Tahun 2021 kepada pegawai Perkhidmatan Awam Negeri dalam Kumpulan Pengurusan dan Profesional serta Kumpulan Pelaksana.

LATAR BELAKANG

2. Kerajaan melalui kenyataan YAB Ketua Menteri Sabah pada 23 April 2021 telah bersetuju memberi Bantuan Khas Kewangan Aidilfitri Tahun 2021 kepada pegawai Perkhidmatan Awam Negeri Kumpulan Pengurusan dan Profesional dan Kumpulan Pelaksana gred 54 dan ke bawah sebanyak Lima Ratus Ringgit (RM500.00). Bantuan Khas Kewangan Aidilfitri ini diberikan bagi menghargai khidmat bakti dan pengorbanan penjawat awam negeri yang telah melaksanakan tanggungjawab menyampaikan perkhidmatan kepada rakyat terutamanya semasa menghadapi pandemik COVID-19 di negeri Sabah.

“SABAH MAJU JAYA”

PEGAWAI YANG LAYAK

3. Pegawai Perkhidmatan Awam Negeri dalam Kumpulan Pengurusan dan Profesional dan Kumpulan Pelaksana Gred 54 dan ke bawah yang masih berkhidmat pada 06 Mei 2021 seperti yang berikut:

- 3.1 pegawai lantikan tetap, sementara dan *contract of service*;
- 3.2 pegawai yang bercuti bergaji penuh;
- 3.3 pegawai yang bercuti separuh gaji;
- 3.4 pegawai yang bercuti tanpa gaji; dan
- 3.5 pegawai yang dipinjamkan termasuk ke agensi yang diasingkan pengurusan saraannya. Bantuan Khas Kewangan Aidilfitri ini akan dibayar oleh agensi yang menerima peminjaman pegawai.

4. Bantuan Khas Kewangan Aidilfitri Tahun 2021 sebanyak RM500.00 turut dipanjangkan kepada :

- 4.1 Pekerja Sambilan Harian (PSH) yang kontraknya masih berkuat kuasa pada 06 Mei 2021;
- 4.2 Pegawai lantikan politik yang berkhidmat di Unit Pemimpin Pembangunan Masyarakat; dan
- 4.3 Pegawai Kerajaan lantikan vot terbuka.

“SABAH MAJU JAYA”

PEGAWAI YANG TIDAK LAYAK

5. Pegawai yang tidak layak diberi Bantuan Khas Kewangan Aidilfitri Tahun 2021 adalah:

- 5.1 pegawai dalam Kumpulan Pengurusan Tertinggi dan setaraf termasuk pegawai yang memangku, dipinjam/tukar sementara dan penempatan khas ke Gred Jawatan Utama/ Gred Khas;
- 5.2 pegawai yang dijatuhkan hukuman tatatertib dalam tempoh 1 Januari 2021 hingga 06 Mei 2021;
- 5.3 pegawai yang ditamatkan perkhidmatan demi kepentingan awam dalam tempoh 1 Januari 2021 hingga 06 Mei 2021;
- 5.4 pegawai yang meletak jawatan dalam tempoh 1 Januari 2021 hingga 06 Mei 2021; dan
- 5.5 pegawai berpencen yang melepaskan hak pencen kerana menyertai Badan Berkanun Yang Diasingkan Saraannya.

PEGAWAI YANG DITANGGUHKAN BANTUAN KHAS KEWANGAN

6. Pegawai yang ditahan kerja, digantung kerja atau surat pertuduhan telah dikeluarkan oleh Pihak Berkuasa Tatatertib akan ditangguhkan pemberian Bantuan Khas Kewangan Aidilfitri Tahun 2021 ini. Pegawai hanya layak dibayar sekiranya Pihak Berkuasa Tatatertib mendapati pegawai tersebut tidak bersalah.

“SABAH MAJU JAYA”

PESARA

7. Pesara Kerajaan yang menerima pencen dan termasuk penerima pencen terbitan di bawah undang-undang pencen serta pesara Skim KWSP yang bersara daripada perkhidmatan awam apabila mencapai opsyen umur persaraan pada atau sebelum 6 Mei 2021 akan dibayar sebanyak RM250.00 oleh Bahagian Pasca Perkhidmatan, Jabatan Perkhidmatan Awam Malaysia.

8. Pesara yang dilantik semula secara *contract of service* atau secara sementara dan masih berkhidmat pada 06 Mei 2021 layak dibayar Bantuan Khas Kewangan Aidilfitri Tahun 2021 sebanyak RM500.00. Pembayaran sebanyak RM250.00 akan dibuat oleh Bahagian Pasca Perkhidmatan, Jabatan Perkhidmatan Awam Malaysia dan bakinya sebanyak RM250.00 akan dibayar oleh jabatan di mana pegawai sedang berkhidmat.

PEGAWAI MENINGGAL DUNIA DALAM PERKHIDMATAN

9. Pegawai Perkhidmatan Awam Negeri yang meninggal dunia pada 06 Mei 2021 layak diberi Bantuan Khas Kewangan Aidilfitri Tahun 2021 sebanyak RM500.00.

TARIKH PEMBAYARAN

10. Bantuan Khas Kewangan Aidilfitri Tahun 2021 ini akan dibayar serentak dengan pembayaran gaji bulan Mei 2021.

“SABAH MAJU JAYA”

TANGGUNGJAWAB PEMBAYARAN

11. Pembayaran Bantuan Khas Kewangan Aidilfitri Tahun 2021 ini adalah menjadi tanggungan jabatan di mana pegawai berkhidmat pada tarikh pembayaran.

TARIKH KUAT KUASA

12. Pekeliling Perkhidmatan ini berkuat kuasa mulai tarikh ia dikeluarkan.

PEMAKAIAN

13. Tertakluk kepada penerimaan pakai Pekeliling Perkhidmatan ini oleh pihak berkuasa masing-masing, peruntukan Pekeliling Perkhidmatan ini pada keseluruhannya dipanjangkan kepada semua Pihak Berkuasa Berkanun Negeri dan Pihak Berkuasa Tempatan Negeri.

'BERKHIDMAT UNTUK NEGARA'



[DATUK SERI PANGLIMA Sr. HAJI SAFAR UNTONG J.P.]
Setiausaha Kerajaan Negeri

Tarikh: 27 April 2021

s.k.: Setiausaha Tetap
Kementerian Kewangan Negeri Sabah
Blok C, Pusat Pentadbiran Negeri Sabah
Jalan Teluk Likas, Tanjung Lipat
88400 KOTA KINABALU

“SABAH MAJU JAYA”

s.k.: Bendahari Negeri
Jabatan Bendahari Negeri Sabah
Level 8,9,10 dan 11, Blok A
Pusat Pentadbiran Negeri Sabah
Jalan Teluk Likas, Tanjung Lipat
88400 KOTA KINABALU

Diedarkan kepada : Semua Setiausaha Tetap Kementerian Negeri
Semua Ketua Jabatan Negeri
Semua Pihak Berkuasa Berkanun Negeri
Semua Pihak Berkuasa Tempatan Negeri
Semua Pegawai Daerah
Semua Penolong Pegawai Daerah, Daerah Kecil

“SABAH MAJU JAYA”